



**INGENIARITZA ETA ARKITEKTURA (PARS-IA) ARLOAN ONDOZ ONDOKO IBILBIDEAK
DITUZTEN PROGRAMA AKADEMIKOAK EBALUTZEKO PROTOKOLOA**

Irailaren 28ko 822/2021 Errege Dekretuaren arabera, unibertsitate-ikasketen antolaketa eta kalitatea ziurtatzeko prozedura ezartzen dituen.

2022ko otsailaren 3ko REACUren bileran onartutakoa

2023ko otsailaren 6ko REACUren bileran aldatutakoa

INGENIARITZA ETA ARKITEKTURA

ARLOAN ONDOZ ONDOKO IBILBIDEAK DITUZTEN PROGRAMA AKADEMIKOAK (PARS-IA)

Irailaren 28ko 822/2021 Errege Dekretuak, unibertsitateko irakaskuntzen antolaketa eta kalitatea ziurtatzeko prozedura ezartzen dituenak, bederatzigarren xedapen gehigarrian, arautzen du unibertsitateek, beren autonomiaren esparruan, irakaskuntza-esperientzia pilotu gisa elkarren segidako zikloak dituzten programa akademikoak eskaintzeko aukera, Ingeniaritzaren eta Arkitekturaren esparruan ondoz ondoko ibilbideak dituztenak eta gradu-titulu bat eta lanbide-espezializaziora bideratutako unibertsitate-masterreko titulu bat lotzen dituztenak, beti ere haien egiturazko bereizketari eta independentziari eutsiz eta ikaslearen prestakuntza integrala indartzeko helburuarekin. Xedapen horretan ezartzen da unibertsitateak horrelako programa akademiko baterako proposatzen duen antolamendu akademikoaren aldeko txostena eman beharko duela kalitate-agentzia eskudunak. Programa akademiko horien eskaintzak ez du, inola ere, RUCTeko beste inskripzio sortuko.

UNIBERTSITATEEK AURKEZTU BEHARREKO DOKUMENTAZIOA

Ingeniaritzaren eta Arkitekturaren arloan ondoz ondoko ibilbidea duen programa akademiko bat (PARS) ezarri nahi duen unibertsitateak eskaera egin beharko dio kalitatea ziurtatzeko agentzia eskudunari. Eskaera horretan, gutxienez, informazio hau jaso beharko da:

- PARSen izena.
- RUCT kodea eta PARS osatuko duten gradu eta unibertsitate masterreko titulazioaren izena.
- Programako ECTS kredituak.
- CIN agindua(k) – Gaitzen duen lanbide arautua(k) (hala badagokio).
- Unibertsitatea.
- Zentro arduraduna.
- Beste ikastetxe batzuk.

Eskabidearekin batera agiri hauek aurkeztu behar dira:

- Eskatzen den PARSen memoria edo antolamendu akademikoa, gutxienez honako hauek bilduko dituena:
 - Programaren diseinua.
 - Ikasleen sarbide-profilak onartzeko prozedura eta irizpideak.
 - PARSen barruan dagoen unibertsitate-masterrean matrikulatzeko gainditu gabe egon daitezkeen graduko irakasgaiak eta/edo irakasgaiak identifikatzea eta justifikatzea.
 - Gradu-amaierako eta master-amaierako lanak artikulatzeko mekanismoa.
- Unibertsitateko gobernu-organismoek PARSei buruz onartutako araudia, programa horiei lotutako unibertsitate-masterreko ikasketak egiteko irizpideak eta inplikaturako gradu- eta master-tituluak emateko baldintzak barne hartzen dituena.

EBALUATZEKO IRIZPIDEAK ETA JARRAIBIDEAK

Honako hauek dira PARSen proposamenak ebaluatzeko erabiliko diren irizpideak, eta horiek gainditzeak kalitatea ziurtatzeko agentzia eskudunek aldeko txostena egitea ekarriko du:

1. Izendapena

- Programa akademikoaren izenak ez du nahasmendurik sortzen programa osatzen duten tituluek izan dezaketen lanbide-gaitasunarekin.
- PARSen izena bat dator hura osatzen duten tituluekin eta haren eremu akademiko eta profesionalarekin.

2. Programaren diseinua

- Unibertsitateak ondoz ondoko ibilbidea duen programa akademikoan gradu-titulu bat unibertsitateko master-titulu batekin lotzea planteatzen du, ingeniartzaren eta arkitekturaren arloko espezializazio profesionalera bideratuta. Bi tituluak esparru akademiko eta profesional berekoak dira.
- Programa-proposamena unitate akademiko koherentea da.
- Proposatutako plangintzak eta ikasleak gainditu gabe dituen irakasgaiak ez dute arriskuan jartzen unibertsitate-masterreko ikaskuntzaren emaitzak lortzea.

3. Araudi akademikoa

- Unibertsitateak, bere gobernu-organoez onartuta dauka PARSak arautzen dituen araudi akademikoa. Araudi horrek 822/2021 EDan ezarritakoa betetzen du, eta bereziki:
 - Gradu- unibertsitate-titulu ofiziala duten ikasleen matrikula lehenesten da.
 - Sarbide-baldintza gisa ezartzen da gradua gainditu ez duten ikasleek gainditu gabeko irakasgaiak, Gradu-amaierako lana (GrAL) barne, guztira 30 ECTS kreditu baino gehiago ez izatea .
 - PARSen parte hartzen duten unibertsitate-masterretan plaza erreserbatzeko debekua ezartzen da gradutik abiatuta ikasten duten ikasleentzat.
 - PARSeko ikasleek edozein unetan utz dezaketela ezartzen da, bai graduan matrikulatuta badaude, bai hari lotutako unibertsitate-masterrean matrikulatuta badaude.
 - PARSen parte diren gradu- eta master-tituluak emateko baldintzak jaso dira.

4. Sartzeko eta onartzeko irizpideak

- PARSen proposamenean parte hartzen duten Unibertsitate Masterrean onartzeko irizpide espezifikoek, ikasleen merezimendu akademikoak baloratzen dituzte eta haztatuta daude, publikoak dira, ez dute nahasmendurik eragiten eta koherenteak dira unibertsitateko masterraren esparru akademikoarekin

ERANSKINA. ONDOZ ONDOKO IBILBIDEAK DITUZTEN PROGRAMA AKADEMIKOEN EBALUAZIOA EGITEKO PROZEDURAN ETA IRIZPIDEEN APLIKAZIOAN KONTUAN HARTU BEHARREKO ZEHAZTAPENAK

LEHENA. - PARS-IA PROGRAMETARAKO PROPOSAMENAK

Unibertsitateek aurkeztu beharreko PARS-IA programetarako proposamenek aukera hauek izango dituzte gainera:

- Unibertsitate bereko bi zentrotan eskainitako PARS-IA berdina, bi zentroetan eskainitako tituluek osatua.
- Teknologia espezifikoetako graduako titulazio batzuk master berarekin lotzen dituen PARS-IA.
- Gradu bera bi masterrekin lotzen dituen PARS-IA (gaitzailea izan edo ez).

BIGARRENA. - PROGRAMAREN IDENTIFIKAZIOA

Programa identifikatzeko, aukera hauetako bati lotuko zaio PARS-IA programen izena:

- **PARS-IA [Masterraren izena](e)an, [Graduaren izena](r)en bidez.** Egokia da teknologia espezifikoren bat duten arloetarako.
- **PARS-IA [Graduaren izena](e)an eta [Masterraren izena](e)an.** Egokia da teknologia espezifikorik ez duten arloetarako.

HIRUGARRENA. - IKASLEARI LOTUTAKO MASTERREAN SARTZEKO AUKERA EMATEN DIOTEN GAINDITU GABEKO IRAKASGAIK

Graduko ikasleari PARS-IAri lotutako masterrean sartu eta matrikulatzeko aukera ematen dioten irakasgaiak dagokienez, Gradu Amaierako Lana (GrAL) eta, gehienez, edozein tipologiatako irakasgaien 9 ECTS kreditu sartu ahal izango dira 30 ECTS kredituen barruan, betiere ikaskuntza-emaitzak lortzea bermatzen bada. 30 ECTS kredituak osatu arte geratzen diren gainerako kredituak ezin dira oinarritzko, nahitaezko edo teknologia espezifikoko edo aipameneko irakasgaienak izan.

Dena dela, unibertsitatearen salbuespenen bat aintzat hartzen duten proposamenetan, dagokion agentziak horren balorazioa egingo du, proposatutako irakasgaiak unibertsitate-masterrari dagozkion ikaskuntza-emaitzen jarraipen egokia eta lorpena arriskuan jar ez dezaten.